



Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj:04-30-31146/23
Sarajevo, 10.07.2023. godine

Na osnovu čl. 20. i 21. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine, br. 49/05 i 103/21) i Pravilnika o unutrašnjoj organizaciji Ministarstva saobraćaja Kantona Sarajevo br. 04-34-39863/19 od 15.01.2020. godine, 04-23-33215/20 od 01.09.2020.godine, 04-04-20679/22 od 02.06.2022. godine, 04-04-20679/22 od 22.07.2022. godine i 04-11-1818/23 od 14.02.2023. godine i Odluke Vlade Kantona Sarajevo broj:02-04-24803-22/23 od 01.06.2023. godine, ministar saobraćaja Kantona Sarajevo raspisuje

INTERNI OGLAS za prijem namještenika u radni odnos na neodređeno vrijeme

RADNO MJESTO:

Viši referent za vođenje evidencije puteva, objekata, prometne signalizacije i nadzor
zaštitnog putnog pojasa u Direkciji za puteve- Ministarstvo saobraćaja Kantona Sarajevo
_____ jedan (1) izvršilac.

OPIS POSLOVA:

Vodi evidenciju puteva, objekata, prometne signalizacije i opreme puteva, sudjeluje u pripremi, izradi i vođenju baze podataka puteva i objekata, priprema i dostavlja geodetske podatke u postupku eksproprijacije za sektor ekonomsko-finansijskih i pravnih poslova, vrši ažuriranje baze podataka, priprema prijedloge za plan i program zaštite putnog pojasa, izdaje nalog za otklanjanje bespravnih radnji i smetnji na putu i zaštitnom pojasa, evidentira bespravno izgrađene prilaze i objekte u putnom pojasa, vrši kontrolu putnog i zaštitnog pojasa saobraćajnica iz nadležnosti Direkcije, prati, proučava i analizira stanje u oblasti zaštite putnog pojasa obavlja i druge poslove i zadatke po nalogu načelnika. U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

USLOVI:

Opći uslovi:

Opći uslovi iz člana 24. Zakona o namještenicima u organima državne službe u Federaciji Bosne i Hercegovine (državljanstvo BiH, punoljetnost, opća zdravstvena sposobnost za obavljanje poslova radnog mjesta, vrsta i stepen stručne spreme za obavljanje poslova radnog mjesta, da u posljednje dvije godine od dana objavljivanja oglasa nije otpušten iz državne službe kao rezultat disciplinske kazne na bilo kojem nivou vlasti u Federaciji BiH, odnosno BiH, da nije obuhvaćen odredbom člana IX 1. Ustava BiH).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba

1/2

Posebni uslovi:

- Završena gimnazija ili ekonomska škola ili građevinska škola ili saobraćajna škola ili geodetska škola, SSS-IV stepen,
- najmanje 10 mjeseci radnog staža.

Uz prijavu na interni oglas, koja sadrži kraću biografiju, adresu i kontakt telefon kandidati su dužni dostaviti original ili ovjerene kopije slijedećih dokumenata:

- Izvod iz matične knjige rođenih;
- Uvjerenje o državljanstvu Bosne i Hercegovine (ne starije od 6 mjeseci)
- Ovjerena kopija lične karte;
- Svjedočanstvo/ diploma o završenoj srednjoj školi;
- Uvjerenje/potvrda o radnom stažu izdato od strane poslodavca;
- Dokaz (uvjerenje/potvrda) da je kandidat u radnom odnosu na poslovima namještenika u organima državne službe na svim nivoima u Federaciji BiH;
- Izjava da kandidat u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini (ovjerava općinski organ);
- Izjava da kandidat nije obuhvaćen odredbom člana IX 1. Ustava Bosne i Hercegovine (ovjerava općinski organ);
- Izjava kandidata da daje izričitu saglasnost Ministarstvu saobraćaja za obradu njegovih ličnih i posebnih podataka. Sadržanim u dostavljenoj dokumentaciji uz prijavu na Interni oglas, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka („Sl.glasnik Bosne i Hercegovine“, br.49/06, 76/11 i 89/11).

Izabrani kandidat dužan je dostaviti ljekarsko uvjerenje o zdravstvenoj sposobnosti prije preuzimanja dužnosti namještenika.

Pravo učešća na ovoj Interni oglas imaju svi namještenici iz organa državne službe svih nivoa vlasti u Federaciji Bosne i Hercegovine.

Nepotpune i neblagovremene prijave neće se uzeti u razmatranje.

Prijave sa traženim dokumentima dostavljaju se lično ili poštom preporučeno, na adresu:

**Ministarstvo saobraćaja Kantona Sarajevo
Ulica Reisa Džemaludina Čauševića 1,
71 000 Sarajevo
sa naznakom:**

"Ne otvarati-Interni oglas za prijem namještenika u radni odnos".

Interni oglas ostaje otvoren 10 dana od dana objavljivanja na Oglasnoj ploči Kantona Sarajevo i Web stranici <http://ms.ks.gov.ba>.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba